

山西通志卷第三十一

山西巡撫都察院右副都御史臣覺羅石麟奉

旨修輯

水利 三 津梁附

潞安府

長治縣

長治西南逼近漳河舊鮮渠道

長治山多水少漳水經縣境西勢差平坦東山暨城鎮諸水西入於漳者雨集則怒漲奔騰橋梁時受嚙焉

金皇統中高平舉子六七輩赴都試憇於韓店一道士徧視諸生得李晏執其手曰公富貴壽考他年當建節於此值水敗道賴公治之語畢不見其年登第歷官至中丞歸

老起爲昭義節度使水果敗道父老請修治晏欣然從之
卽今石牖也

長子縣

漳河源於鹿谷山長子以發源地河流細微附近河身皆碎石淤沙兩岸民田地高河卑不能上引以資灌溉

舊志神農井在羊頭山下

蓮花池在南七里李村西上黨少蓮志之以見土無遺利
云

師古註鹿谷山濁漳水所出東至鄴入清漳

東魏尚書左僕射高隆之以漳水近鄴城起長堤以防泛
溢又鑿渠引漳水周流城郭造水碾磴並有利於時

宋太常博士王沿言漳水一石其泥數斗古人以爲利今

人以爲害繫乎用與不用爾願募民復史起十二渠渠復則水分水則無奔決之患以之灌漑可使河北數郡瘠鹵化爲膏腴通判洺州王軫言漳河岸高水下未易疏導又其流濁不可溉田沿又駁之

明萬厯時臨漳知縣袁應泰築長堤四十餘里捍禦漳水屯留縣

屯留絳河發源西南盤秀山流經縣北又東流三十里滙入漳河但紆迴遠折距田甚遠土人不能引溉

舊志張厚泉縣北二十里周二丈淵深莫測不涸不溢歲旱鄉人淘泥沙輒雨

師古註桑欽言絳水出西南東入海

襄垣縣

襄垣雖有漳河舊鮮渠道

舊志暖泉西十五里水溫浴之已疾

西門外城基在甘水涯康熙四十三年濬河東流不逼城垣矣

漳河小堤足垂永久惟創水小堤獨當其衝易於圯

潞城縣

潞城漳河經流地勢最卑近河民田岸高百尺不能資灌溉

舊志翟店渠山水侵田築堤而渠入漳水宋至和間造至明成化嘉靖重修萬歷三十二年知縣鄭崇厚又修

遠患渠在西門外距城二十步許舊有河漕無水土人名枯河遇大雨則橫流溢城下城北鐵王村數被其災間亦入城

朝康熙四十二年知縣張士浩築堤

養生井縣北北行村井舊屬一家歲旱衆不得汲後易私爲公名養生井焉

漢潞城臨潞晉荀林父伐石爲梁在縣北四十里臨城

黎城縣

黎城四面皆山雖漳河折入境內而岸高河卑鮮衝決之虞亦鮮渠道之利

舊志田溪在縣北橫亘如帶井里園畦皆資灌溉上黨水多衝決溪獨爲民利焉

玉泉北五十里原泉村泉出石山下深不可測金大定間道士闢安道鑿山趾爲三孔水自孔出別派合流灌溉晦圃居民賴之

漳河性湍急中皆沙石善遷徙雨發濤湧輒數日不能渡
有舟及中流困於洲渚二日者

壺關縣

壺關居太行之巔無瀕河民田

舊志惠澤池在南關洪武九年縣丞郭栢濬知縣張鯤修
國朝順治間因久涸知縣朱輔重開康熙二十年知縣章
修濬壺關地高峻鑿井甚艱自栢修池民始獲利

杜敦新築南池記壺關踞太行巔地高亢土峭剛獨闕井
泉利洪武丁巳三月丞三山郭公栢以南關故地向集雨
潦第以澣衣飲畜乃集近縣郭民鑿濬不旬日池成其濬
則護以木柵而防衝嚙之患其岸則繚以垣墉而限汗穢
之雜坤隅爲閘兩壁翼張而環板橫施俟大雨則起之以

石硤注瀉而入水良隅爲門令衆人汲挹則開之由石級上而出水名曰惠澤

甘泉池在縣治東南隅景泰初知縣蘭興開鑿壺關城缺井池與惠澤池胥便民汲

濟衆池在縣北門外成化間知縣王佑開鑿

李郭井邑缺井泉嘉靖二十二年知縣李用敬在甘泉池側義門郭氏地鑿四井故名

平順縣

平順漳河在平北鄉兩岸胥石山高嶺峻壁雖有田畝無繇引溉

舊志濟衆池在縣南城外迤東主簿李鸞開濬城內水胥注焉植物利之

好水池在城外東南角

三岔口池在縣東南河渠

漳義隘口東北九十里兩山峭立中有石壑漳水經流入
繇壑厓行達河南

上黨記潞濁漳也縣城臨潞晉荀林父伐曲梁在城西十
里今名石梁又東北八十里有黎城臨壺口關至建安十
一年從洹河口鑿入潞河名泉州梁以通於海

按後趙程機記則潞城黎城平順之間漢季嘗加濬鑿
漳水始得循口以通於海不可以山隘而遂謂縣無水
利也

侯壁里與治村西有錯鑿溝土人傳繇治水欲濬漳河南
流鑿山勢逆水不能下被繇禹乃改渠東流始通鑿痕今

存

津梁

長治縣

永濟橋在縣南韓店宋宣和時建元重修

淘清橋在縣南淘清河上嘉靖時建漸圯

郃金橋在南關二里山水河上

通晉橋在西關二里故城水河上後名老胡橋舊橋圯有番僧修之一夕成云

石子河橋在北關外明萬歷四十五年僧妙光建

龍泉橋在南關一里

雍水橋在北一里許雍河上路通澤州洪武二十五年縣丞

胡通建

藍水橋在西二十里藍河上

金橋在縣西南關唐元宗封泰山廻車駕次上黨父老迎謁獻食上受之親加存問賚錫有差及過金橋顧見旗羽鮮嚴謂左右曰張說言我勒兵三十萬旌旗徑千里真才子也遂召吳道元韋無忝陳閎令製金橋圖圖成時稱三絕

長子縣

藍水橋在北三十里藍水上明洪武二十六年縣丞馮道古建半圯

雍水橋在北一里雍水上明洪武二十五年建

喜陽溝在西南二十里窟陰溝中河西村後

雙濟橋在鮑店張莊舖

蓋橋在縣南大道青仁莊

東裏橋二

屯留縣

良馬橋在西南八十里邊寨鎮西通河東路

青苗橋在西南二十里雞鳴河上後爲水衝康熙五年復建
積石橋在西二十四里積石河上元至正十五年建

讓功橋在東門外

仙濟橋在東北二十里上村鎮

通沁橋在西門外

襄垣縣

虎亭橋在西北六十里虎亭鎮

夏店橋在西二十里夏店鎮明成化間知縣張曉建

南營橋在西北四十里磁窯村北相傳石勒屯兵時建

太平橋在縣紫岩寺東宋天聖二年建

永惠橋在北門外甘水上金天會間建

市橋在縣故城先天觀後相傳豫讓伏橋下云

潞城縣

鳳棲橋在東一十五里馮村元至正間建

徵子橋在東北十五里

潞河橋在縣北潞河上明嘉靖中勅創建二年始成後被雨

衝沒

黎城縣

漳河渡南二十里

吾兒峪橋在東北三十里吾兒峪清漳水經其下通涉縣

峪口橋在東北十五里通古關

橋在西十里斷岸百尺工積數年始成

田溪橋在北關廂

疏嵐橋在南關廂

鳳凰橋在縣辛村

石橋在橫山下

壺關縣

進德橋在北關外城壕上元延祐六年建

黃山橋在南三十里橋甚古

合峪橋在墟壤村明正德中建

龍溪橋在北元建

平順縣

今名平順縣
乾隆二十九年裁歸潞城仍分撥

天橋在石灰里北澗水東流

栢橋在遷善里

落絲橋在遷善里以水細名通上黨道

通濟橋在王曲里知縣揭文獻建

西平橋在東庄村

汾州府

汾陽縣

峪道河渠發源縣西北二十五里馬跑泉經金莊村水泉村
峪道河村劉村南莊下村北莊下村太平村長畛堡董寺村
古浮圖羅城鎮金井村賈家莊陳家莊馬寨村雷家堡宣柴
堡義安村康家堡安頭村北莊村乾河村師家莊共袤八十
五里民引水成渠繇上及下輪期溉田至師家莊東入汾
汾河繇平遙縣羗城村流入縣境經尹家社狄家莊閭家社

裴家會郭家莊東社村李家莊九支社韓家橋西河堡新莊
村師家莊共袤六十五里流入北小堡孝義縣界地形高阜
兩岸築堤河身窪下瀕河民田間有用桔槔汲水溉畦者
舊志汾河淮南子曰汾水濁宜麻明嘉靖間副使趙祖元
疏渠造江浙水車教民引水灌注民甚利之後汾河淤徙
不常遂廢

善利渠在縣西南自西山由城南十里經行興文谷會達
於汾明洪武八年重修劉希參碑記畧曰汾地高亢數多
旱災惟渠西跨諸山北則葫谷泉稍南澗河古堤跡雖存
水已枯竭又稍南一支自薛頡山卽狐岐山尾入汾其源初發
日出谷泉後改今名首尾百里有奇從靳家里迤邐漸東
四五十里間始散漫而行故陽城見喜乾河等村隨在開

築甚賴其利

文谷河按地輿綜要文水歷交城文水縣南入汾河

文湖城東十里漢唐本大澤與汾河不相通後決流通汾水遂涸

麻窟水在張家堡由東南入汾民引溉田

向陽水繇金鎖峽出有龍神廟水過向陽村溉地

清溝水卽董師河經城南入喬東等村民引以溉田

馬跑泉在城西北白彪山麓由峪道河經王化里和美里

太和里董正里羅城里其村落則金庄尉家水泉田家溝

李家溝劉村庄下太平董寺古浮圖羅城金井五里十二

村滙諸泉爲一渠輪流澆灌復開渠引三分之一遶城壕

入泮池詳明趙日昌永復馬跑泉舊例碑記萬歷二十一